



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU STRANKE DIJASPORE BOSNE I HERCEGOVINE

Broj: 03-07-6-350/16  
Sarajevo, 25.08.2017. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI.....	5
5.2 PREPORUKE .....	8

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke Dijaspore Bosne i Hercegovine za 2015. godinu.

Rukovodstvo stranke je odgovorno za finansijske izvještaje, postupanje u skladu sa odredbama Zakona o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2015. godinu, utvrđeno je da je Stranka Dijaspore Bosne i Hercegovine prekršila odredbe člana 4. stav (1), člana 11. i člana 12. Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke Dijaspore Bosne i Hercegovine za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka Dijaspore Bosne i Hercegovine se finansirala iz sljedećih izvora<sup>1</sup>:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	69.876,75	100,00
8.	Prihodi od propagande ( 3-g )	0,00	0,00
9.	Ostali prihodi	0,00	0,00
<b>I</b>	<b>Ukupni prihodi (1-9)</b>	<b>69.876,75</b>	<b>100,00</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00</b>
	<b>Izvori finansiranja (I+II)</b>	<b>69.876,75</b>	<b>100,00</b>

U godišnjem finansijskom izvještaju za 2015. godinu Stranka Dijaspore Bosne i Hercegovine je iskazala ukupne rashode u iznosu od 62.756,71 KM<sup>2</sup>.

## 2. PREDSTAVLJANJE POLITIČKE STRANKE

Naziv političke stranke je Stranka Dijaspore Bosne i Hercegovine. Skraćeni naziv stranke je SDBiH.

Stranka je registrovana kod Općinskog suda u Sarajevu, rješenjem broj: 065-0-F1-09-000036 od 10.03.2010. godine sa sjedištem u Sarajevu, adresa Hakije Turajlića 21. Rješenjem Općinskog suda u Sarajevu broj: 065-0-RegZ-14-002791 od 25.04.2014. godine upisano je sjedište stranke u ul. Bosanskih Gazija 35/4, Ilidža. Rješenjem Općinskog suda u Sarajevu, broj: 065-0-F1-15-000011 od 31.07.2015.godine, upisana je promjena sjedišta Stranke Dijaspore Bosne i Hercegovine, na Ilidži - Sarajevo, Luke br. 15. Rješenjem Općinskog suda u Sarajevu, broj: 065-0-F1-16-000005 od 13.06.2016. godine, upisano je sjedište Stranke Dijaspore Bosne i Hercegovine na Ilidži – Sarajevo, adresa Senada Fazlića broj 58.

Lice ovlašćeno za zastupanje stranke u 2015. godini je Fejzić Edim<sup>3</sup>.

<sup>1</sup> Podatak iz ispravljenog obrasca 3. (izvori finansiranja) od 15.08.2016. godine.

<sup>2</sup> Podatak iz ispravljenog obrasca 4. (rashodi političke stranke) od 15.08.2016. godine.

<sup>3</sup> Rješenjem Općinskog suda u Sarajevu broj: 065-0-F1-15-000011 od 19.08.2015. godine, ovlašćeno lice za zastupanje i predstavljanje Stranke Dijaspore Bosne i Hercegovine je Fejzić Edim. Rješenjem Općinskog suda u Sarajevu, broj: 065-0-F1-16-000005 od 13.06.2016. godine ovlašćeno lice za zastupanje i predstavljanje Stranke Dijaspore Bosne i Hercegovine je Tatarin Sejad - predsjednik stranke.

Lice ovlašteno za podnošenje finansijskih izvještaja za 2015. godinu je Tatarin Sejad.

Prema podacima iz godišnjeg finansijskog izvještaja za 2015. godinu, organizacionu strukturu Stranke Dijaspore Bosne i Hercegovine čine:

- Centrala SD BiH,
- RO SD BiH Sarajevo,
- RO SD BiH Goražde i
- RO SD BiH Bihać

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke Dijaspore Bosne i Hercegovine za 2015. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke Dijaspore Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Služba za reviziju je izvršila pregled i kontrolu godišnjih finansijskih izvještaja Stranke Dijaspore Bosne i Hercegovine od 2010. do 2014. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2014. godinu, Služba za reviziju je izdala Izvještaj o pregledu godišnjeg finansijskog izvještaja Stranke Dijaspore Bosne i Hercegovine sa mišljenjem revizora, nalazima revizije i preporukama stranci da vodi evidencije o primljenim priložima, da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima, da finansijske izvještaje podnosi u formi koju je odobrila Centralna izborna komisija BiH i da dostavlja dodatnu dokumentaciju koju od nje zatraži Centralna izborna komisija BiH

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Stranka Dijaspore Bosne i Hercegovine nije ispoštovala preporuke revizije.

### **5. NALAZI I PREPORUKE**

#### **5.1 NALAZI**

- a) **Na osnovu obavljenog pregleda, utvrđeno je da je Stranka Dijaspore Bosne i Hercegovine prekršila odredbe člana 4. stav (1) Zakona o finansiranju političkih stranaka.**

Pregledom godišnjeg finansijskog izvještaja utvrđeno je da Stranka Dijaspore Bosne i Hercegovine nije donijela program utroška sredstava za 2015. godinu.

Takođe je utvrđeno da su finansijska sredstva obezbjeđena za rad političke stranke iz budžeta, isplaćivana gotovinom, putem blagajne, na osnovu nevjerodostojne i nepotpune dokumentacije.

S obzirom da je sredstva koja je obezbjedila iz budžeta, politička stranka koristila bez programa utroška sredstava, prekršila je odredbe člana 4. stav (1) Zakona o finansiranju političkih stranaka, koji propisuje da stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

**b) Pregledom godišnjeg finansijskog izvještaja utvrđeno je da je Stranka Dijaspore Bosne i Hercegovine prekršila odredbe člana 11.<sup>4</sup> i člana 12. stav (1)<sup>5</sup>, (3)<sup>6</sup> i (5)<sup>7</sup> Zakona o finansiranju političkih stranaka.**

Stranka Dijaspore Bosne i Hercegovine nije u godišnjem finansijskom izvještaju iskazala sve prihode, rashode i obaveze, nije pravilno vodila blagajničko poslovanje i nije izvršila usklađivanje obaveza sa dobavljačima, čime je prekršila računovodstvene propise i odredbe člana 11. i člana 12. stav (1) Zakona o finansiranju političkih stranaka. Stranka Dijaspore Bosne i Hercegovine nije obrasce godišnjeg finansijskog izvještaja za 2015. godinu popunila u skladu sa članom 12. stav (3) ovog Zakona i Pravilnikom o godišnjim finansijskim izvještajima političkih stranaka - u daljem tekstu: Pravilnik<sup>8</sup>. Stranka nije u skladu sa zahtjevom Centralne izborne komisije BiH dostavila dodatnu dokumentaciju, što je suprotno odredbama člana 12. stav (5) Zakona o finansiranju političkih stranaka.

(1) Pregledom godišnjeg finansijskog izvještaja je utvrđeno da podaci o ukupnim prihodima i rashodima Stranke Dijaspore Bosne i Hercegovine iskazani u obrascima 3. (izvori finansiranja) i 4. (rashodi političke stranke) ne odgovaraju podacima iz Bilansa uspjeha za period 01.01.-31.12.2015. godine.

Stranka Dijaspore Bosne i Hercegovine je u godišnjem finansijskom izvještaju iskazala ukupne prihode u iznosu od 69.876,75 KM i ukupne rashode u iznosu od 62.756,71 KM, dok je u Bilansu uspjeha za period 01.01.-31.12.2015. godine evidentirala ukupne prihode u iznosu od 70.687,00 KM i ukupne rashode u iznosu od 56.366,00 KM.

(2) Stranka Dijaspore Bosne i Hercegovine u obrascu 2. (pregled prometa svih transakcijskih računa političke stranke) godišnjeg finansijskog izvještaja nije iskazala tačne podatke o prometu ostvarenom putem transakcijskog računa broj:1376206006329107, čime je prekršila odredbe člana 11. Pravilnika.

- Stranka Dijaspore Bosne i Hercegovine je u obrascu 2. iskazala podatke o prometu na transakcijskom računu broj: 1376206006329107 kod Moje banke Sarajevo, i to: početno stanje 0,00 KM, promet ulaza 50.563,09 KM, promet izlaza 50.200,77 KM i saldo na dan 31.12.2015 godine u iznosu od 362,32 KM. Kontrolom izvoda sa transakcijskog računa utvrđeno je da je početno stanje iznosilo 5,38 KM, promet ulaza

<sup>4</sup> Politička partija dužna je da vodi poslovne knjige i podnosi finansijski izvještaj na način koji je utvrđen zakonom i drugim propisima u skladu sa zakonom godinu („Službeni glasnik BiH“, broj: 95/12 i 41/16).

<sup>5</sup> Politička partija vodi evidenciju o svojim prihodima i rashodima. Politička partija je dužna da Centralnoj izbornoj komisiji BiH podnese finansijski izvještaj za svaku kalendarsku godinu („Službeni glasnik BiH“, broj: 95/12 i 41/16).

<sup>6</sup> Do 31.marta naredne godine politička partija podnosi finansijski izvještaj u formi koju odobri Centralna izborna komisija BiH („Službeni glasnik BiH“, broj: 95/12 i 41/16).

<sup>7</sup> Sva lica koja su dužna da podnesu izvještaj moraju podnijeti i dodatne izvještaje koje Centralna izborna komisija BiH zatraži („Službeni glasnik BiH“, broj: 95/12 i 41/16).

<sup>8</sup> „Službeni glasnik BiH“, broj: 96/13.

50.563,09 KM, promet izlaza 50.200,77 KM i saldo na dan 31.12.2015. godine u iznosu od 367,70 KM.

- Politička stranka u poslovnim knjigama i finansijskom izvještaju nije prijavila transakcijski račun broj: 1376206006844274 koji je prema podacima Centralne banke BiH aktivan od 25.08.2015. godine.  
Tokom pregleda finansijskog izvještaja za 2015. godinu, Stranka Dijaspore Bosne i Hercegovine nije dostavila izvode sa ovog transakcijskog računa, niti bilo koje podatke o njegovom prometu.

U skladu sa odredbama člana 11. Pravilnika o godišnjim finansijskim izvještajima političkih stranaka, Stranka Dijaspore Bosne i Hercegovine je bila obavezna prijaviti sve transakcijske račune i njihov promet u izvještajnom periodu.

- (3) Uvidom u dodatnu finansijsku dokumentaciju utvrđeno je da su gotovinom, putem blagajne, isplaćena sredstva u iznosu od 95.190,66 KM<sup>9</sup>, te da su transakcije provedene i evidentirane na osnovu nevjerodostojne i nepotpune dokumentacije.  
Promet gotovine putem blagajne Centrale Stranke Dijaspore Bosne i Hercegovine nije vršen na propisani način, niti u skladu sa načelima blagajničkog poslovanja.

Uvidom u blagajničke izvještaje Centrale Stranke Dijaspore Bosne i Hercegovine za period 01.01.-31.07.2015. godine, utvrđeno je da blagajnički izvještaji i nalozi za isplatu nisu odobreni od strane ovlašćenog lica u političkoj stranci, nisu potpisani od strane osobe koja je isplatila sredstva političke stranke niti su potpisani od strane osoba koje su primile novčana sredstva.

Takođe, uvidom u blagajničku dokumentaciju Centrale Stranke Dijaspore Bosne i Hercegovine, utvrđeno je da su na nalogima blagajne evidentirane gotovinske isplate u iznosu od 50.642,15 KM zaključno sa 30.11.2015. godine, u okviru kojih isplate za putne troškove u iznosu od 3.292,15 KM, a ostale isplate u iznosima od 31.450,00 KM za materijalne troškove RO SD BiH Goražde, 10.000,00 KM za materijalne troškove RO SD BiH Sarajevo i isplata od 5.900,0 KM za materijalne troškove RO SD BiH Bihać. Stranka tokom obavljanja pregleda godišnjeg finansijskog izvještaja nije dostavila račune niti drugu dokumentaciju za isplaćena sredstva regionalnim odborima stranke, niti je dostavila dnevnik blagajne za regionalne odbore SD BiH Goražde, SD BiH Sarajevo i SD BiH Bihać.

Kontrolom je, takođe, utvrđeno da je stranka nalogom za isplatu od 29.07.2015. godine, bez broja, isplatila putni nalog Nagibu Hadžiću u iznosu od 616,20 KM, i to za troškove 9 dnevnica 225,00 KM i za korištenje automobila 391,00 KM. Služba za reviziju je utvrdila da je obračun ovog putnog naloga izvršen dana 31.12.2015. godine i to za službeno putovanje u periodu od 01.08. do 10.08.2015. godine, što ukazuje da stranka nije pravilno vodila blagajničke evidencije, odnosno da je isplate iz blagajne dokumentovala naknadno.

- (4) Stranka nije pravilno popunila obrasce 3. (izvori finansiranja) i 3-f (prihodi iz budžeta) finansijskog izvještaja, čime je prekršila odredbe člana 13. i člana 19. Pravilnika.

---

<sup>9</sup> Stranka Dijaspore Bosne i Hercegovine je u korigovanom obrascu 2.1 (pregled stanja blagajne) koji je dostavljen 22.08.2016. godine iskazala promet ulaza u blagajnu u iznosu od 101.180,00 KM, promet izlaza u iznosu od 95.190,66 KM i saldo na dan 31.12.2015. godine u iznosu od 5.989,34 KM.

- Kontrolom poslovnih knjiga i godišnjeg finansijskog izvještaja utvrđeno je da Stranka Dijaspore Bosne i Hercegovine nije u obrascu 3. iskazala ostale prihode u iznosu od 810,80 KM.
  - Stranka Dijaspore Bosne i Hercegovine je u obrascu 3-f iskazala da je primila sredstva iz budžeta Bosansko-podrinjskog kantona od 4.576,83 KM, dok je kontrolom izvoda sa transakcijskog računa stranke broj: 1376206006329107 kod Moje banke Sarajevo, utvrđeno da je stranci uplaćeno 4.569,66 KM, što odgovara podacima iz poslovnih knjiga.
- (5) Stranka Dijaspore Bosne i Hercegovine u godišnjem finansijskom izvještaju nije iskazala obaveze stranke, čime je prekršila odredbe člana 24. Pravilnika.

Prema podacima iz poslovnih knjiga, obaveze Stranke Dijaspore Bosne i Hercegovine na dan 31.12.2015. godine prema dobavljačima iznose od 426,53 KM.

- (6) Centralna izborna komisija Bosne i Hercegovine je Stranci Dijaspore Bosne i Hercegovine uputila Zahtjev za dostavljanje dodatne dokumentacije za 2015. godinu broj: 03-07-6-350-3/16 od 28.07.2016. godine, kojim je traženo da dostavi: bruto bilans stranke na dan 31.12.2015. godine, glavnu knjigu stranke sa kompletnom analitičkom evidencijom za period 01.01. - 31.12.2015. godine, dnevnik blagajne sa nalozima za Centralu SD BiH, RO SD BiH Sarajevo, RO SD BiH Bihać i RO SD BiH Goražde, kopiju izvoda sa transakcijskih računa broj: 1376206006329107 otvoren kod Moje banke i 3386902231834606 otvoren kod Unicredit banke za period od 01.01. do 31.12. 2015. godine, dokumentaciju o korištenju poslovnog prostora za 2015. godinu (račun, ugovor o zakupu ili izjava) i program utroška sredstava za 2015. godinu.

S obzirom da stranka nije u skladu sa zahtjevom dostavila kompletnu dodatnu dokumentaciju, tj. nije dostavila dnevnik blagajne za RO SD BiH Sarajevo, RO SD BiH Bihać i RO SD BiH Goražde i program utroška sredstava za 2015. godinu, prekršila je odredbe člana 12. stav (5) Zakona o finansiranju političkih stranaka.

## 5.2 PREPORUKE

*Preporučuje se Stranci Dijaspore Bosne i Hercegovine da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da u svrhu ostvarivanja svojih programskih ciljeva svake godine donosi program utroška sredstava,*
- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima, rashodima i obavezama,*
- *da finansijske izvještaje podnosi u formi koju je odobrila Centralna izborna komisija BiH,*
- *da dostavlja dodatnu dokumentaciju koju od nje zatraži Centralna izborna komisija BiH,*
- *da isplate gotovog novca iz blagajne vrši po osnovu ispravnih knjigovodstvenih isprava, da definiše postupke i procedure internih kontrola u vezi trošenja sredstava i da vodi računa o vjerodostojnosti i ispravnosti dokumenata na osnovu kojih vrši isplate sredstava i*
- *da blagajničko poslovanje uredi tako da se razgraniče nadležnosti odobravanja isplata, evidentiranje isplata gotovine uz predhodno definisanje blagajničkog maksimuma.*



**KOMENTAR:**

U ostavljenom roku, Stranka Dijaspore Bosne i Hercegovine dostavila je odgovor u kojem je navela da nema primjedbe na Preliminarni izvještaj o pregledu godišnjeg finansijskog izvještaja za 2015. godinu.

Šef odsjeka za reviziju, revizor

Sanja Tošović

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić